

oktobar

Glasnik je zvanično glasilo
Privredne komore
Kantona SarajevoUređuje redakcijski kolegij
u sastavu:Predsjednik:
Munevera PahorGlavni i odgovorni urednik:
mr. Irfan MehičićTehnički urednik:
Elvira BaždarČlanovi:
**Latifa Huseinović
mr. Esad Ibišević
Mubera Kadrić,
Rusmira Mandić,
Faruk Podrug,**Lektor:
Saliha P. KurtovićIzdavač:
Privredna komora Kantona
Sarajevo, 71 000 Sarajevo,
La Benevolencija br. 8.
Tel: 00387 33/
250-100,
250-101, 250-196
Fax: 00387 33/
250-137, 250-140Štampa:
Blicdruk, SarajevoNa osnovu mišljenja
Federalnog ministarstva
obrazovanja, nauke i sporta
broj 04-15-2875/01, od
07.06.2001. god. ova
publikacija je oslobođena
poreza na promet.

BESPLATAN PRIMJERAK

Jedinstvo stvara snagu, a snaga sposobnost da se izvrše promjene

Kroz fluktuaciju članstva Komora poboljšala snagu i ugled. Iz Registra po raznim osnovama izbrisano 83, a primljeno novih 24 člana. Komora sada zastupa interese 73 % zaposlenih u privredi, što je za 3,5 % više nego krajem 2004. godine.

Zakonom o izmjenama i dopunama Zakona o Privrednim komorama u Federaciji BiH članstvo u komorama je dobrovoljno. Da bi neko privredno društvo postalo članom komore od 1. januara 2004. godine dužno je potpisati Izjavu o pristupanju u članstvo.

U prvoj godini dobrovoljnog članstva u Privrednu komoru Kantona Sarajevo pristupila su 584 člana. Ovim činom iskazali su želju i potrebu za održavanjem i kontinuiranim radom svog privrednog udruženja.

Pravilnikom o vođenju Registra članova Privredne komore Kantona Sarajevo regulisan je način upisa kao i brisanje iz Registra članova Komore.

Članom 9., brisanje iz Registra članova Komore vrši se u sljedećim slučajevima:

- na zahtjev člana Komore radi neplaćanja članarine,
- po isteku kalendarske godine za koju član Komore nije podmirio članarinu,
- u slučaju stečaja ili likvidacije,
- donošenjem pravosnažne odluke Suda časti Komore o brisanju iz Registra članova Komore.

Ovo kratko podsjećanje na mogućnosti učlanjenja kao i istupanja iz članstva potrebno je radi uvida u radnje koje se stalno dešavaju u ovakvim udruženjima. Tokom poslovne godine članstvo doživljava promjene što je dobro, jer sa novim članovima dolaze i nove ideje za razvoj.

Tokom 2005. godine iz Registra članova Komore brisano je 50 članova radi neplaćanja članarine u 2004. godini i 33 člana koji su pismeno opozvali svoje članstvo. Istovremeno, u Komoru su se učlanila 24 nova člana, tako da Komora trenutno broji 524 člana sa sljedećom strukturom:

Privredna društva	Broj članica	Broj zaposlenih
Mikro do 10 zaposlenih	250	1250
Mala 10- 50 zaposlenih	164	3682
Srednja 50-250 zaposlenih	80	9140
Velika 250 < zaposlenih	29	24606
UKUPNO	524	38678

Kako se vidi iz pregleda, Komoru čine mikro, mala, srednja i velika preduzeća u kojima je zaposleno 38.678 radnika. Ako znamo da je na nivou Kantona Sarajevo u privredi u julu mjesecu bilo zaposleno 52.973 radnika, tada možemo reći da ova Komora zastupa interese 73% zaposlenih u privredi, a to je za 3,5 % više nego što je bilo krajem 2004. godine. **To znači da je sa 24 nova člana Komora povećala snagu i ugled u ostvarivanju partnerskih odnosa sa organima izvršne vlasti i uprave.** Komoru su napustila mikro i mala preduzeća kojima upravo Komora može najviše pomoći u ostvarivanju njihovih tekućih i razvojnih planova. **A interes u članstvo Komore su našle najveće i najuglednije kompanije BiH i Kantona Sarajevo, kao što su npr. Željeznice FBiH, BH Telecom, JP Pošta Sarajevo, Hidrogradnja, Putevi BiH, JKP "Rad", Klas, Energoinvest, Vranica, Centrotrans bus Eurolines, Bosnalijek, Sarajevska pivara, Sarajevo-osiguranje, Fabrika duhana Sarajevo i mnoge druge.**

Osim razvoja članstva Komora mora kontinuirano voditi brigu i o zadržavanju postojećeg članstva, a to čini stalnim poboljšanjem postojećih i uvođenjem novih usluga prema zahtjevima i potrebama članova.

U knjizi "Biznis asocijacije za 21 vijek", u poglavlju gdje se opisuje izgradnja solidne podrške članstvu stoji da su ove organizacije ozbiljno shvatile preporuku Alexandre Dumas «Svi za jednog - jedan za sve, to je naš moto!». Kroz uzajamno pomaganje poslovni ljudi su shvatili da je najbolji način da se izgradi uspješan biznis, ali i država, ako se udruženo radi na postizanju zajedničkog cilja. Kao što kaže belgijska izreka «Jedinstvo snaga stvara», tako i snaga stvara sposobnost da se izvrše promjene. Prava promjena u državnoj politici može da obezbijedi rast demokratije i ekspanziju tržišne ekonomije.

Ove izreke mogle bi biti i moto za razvoj našeg članstva!

M.Pahor

Trendovi u industriji

Industrijska proizvodnja KS u području prerađivačke industrije i rudarstva bilježi rast, dok je u području snabdjevanja električnom energijom, gasom i vodom zabilježila znatan pad, i to za čak 19,4%

Industrijska proizvodnja u Kantonu Sarajevo za osam mjeseci 2005. godine u odnosu na isti period prethodne godine viša je za samo 0,6%. U odnosu na proizvodnju u avgustu prethodne godine ostvaren je pad proizvodnje za 10,8%, a u odnosu na juli 2005. god. ostvareno je povećanje za 7,1%. Ovakav rast avgustovske proizvodnje u odnosu na juli tekuće godine predstavlja jedan uobičajeni trend dinamiziranja industrijske proizvodnje u drugom polugodištu poslovne godine i za očekivati je da proizvodnja neće iznevjeriti dosadašnju "tradiciju" odnosno da će industrijska proizvodnja rasti kako se bliži kraj poslovne godine.

Posmatrano prema glavnim grupacijama industrijskih proizvoda u periodu januar-avgust 2005. godine, u odnosu na isti period prethodne godine, najznačajniji rast zabilježen je u proizvodnji trajnih proizvoda za široku potrošnju (56,1%), zatim intermedijalnih proizvoda osim energije (40,7%), kao i u proizvodnji energije (10,4%). Ostale grupacije - proizvodnja netrajnih proizvoda za široku potrošnju i kapitalnih proizvoda zabilježile su pad od 6,7% odnosno 4,6%.

Posmatrano po područjima industrijskih djelatnosti, u periodu januar-avgust tekuće u odnosu na isti period prošle godine, industrijska proizvodnja u područjima prerađivačke industrije i snabdjevanju elektroenergijom, vodom i gasom zadržala je nivo proizvodnje ostvaren u uporednom periodu 2004. godine (index 100,4 odnosno 100,2) dok je rudarstvo zabilježilo povećanje od 32,4% i koje se, kada je Kanton Sarajevo u pitanju, najviše odnosi na eksploataciju kamena, šljunka i pijeska.

Ako uporedimo dinamiku rasta industrijske proizvodnje Federacije i Kantona Sarajevo, prema izvještajnim periodima u 2005. i 2004. godini, uočava se **da je industrijska proizvodnja Kantona imala izrazitije oscilacije u dinamici u odnosu na**

proizvodnju Federacije. Posebno je to bilo izraženo u periodu I-IV 2005. u odnosu na isti period 2004. god., kada je industrija Kantona zabilježila pad za cca 1% u odnosu na Federaciju, da bi već u periodu I-V 2005. god. zabilježila najviši trend rasta u odnosu na isti posmatrani period 2004. god. i to za 19,4%. Naredne periode, zaključno sa avgustom, industrijska proizvodnja Kantona ostvarila je ustaljeniji trend rasta i pratila je dinamiku ostvarenu u industriji Federacije.

Kada je u pitanju **učestće industrije Kantona u ostvarenom izvozu** Kantona u periodu I-IX 2005. god., prema podacima VTKBiH, metalni sektor učestvuje sa 59,91%, drvoprerada sa 9,73%, farmaceutska industrija sa 4,64%, prehrambena industrija 4,69%, proizvodnja obuće i odjeće sa 1,33% i td. Među najvećim firmama-izvoznicama su: Volkswagen, Standard, SM BiH Ilijaš, Energoinvest, Bosnalijek, Farmavita, Metail i Klas.

U ukupnom uvozu Kantona u posmatranom periodu metalna industrija učestvuje sa 40,15%, farmaceutska sa 2,48%, proizvodnja papira, kartona te proizvoda od hartije 2,38%, proizvodnja plastičnih masa sa 2,55%, proizvodnja i prerada eteričnih ulja 2,31%, mlijeka i mliječnih proizvoda 2,12% kao i proizvodnja ostalih proizvoda za ishranu sa 1,92%. Najveći uvoznici u industriji Kantona Sarajevo su Volkswagen i Energoinvest.

U prerađivačkoj industriji, od ukupno evidentiranih uposlenih radnika u Kantonu Sarajevo (93,808.) u mjesecu julu tekuće godine bilo je uposleno **13,4% ili 12.642 radnika, što je najviše u odnosu na sva druga područja.** Ako se posmatra broj zaposlenih u privredi Kantona u istom mjesecu tekuće godine, gdje radi 52.973 radnika, onda je **u prerađivačkoj industriji bilo uposleno 23,8% radnika u Kantonu Sarajevo.**

Kada je prosjek neto plaće u pitanju, u prerađivačkoj industriji Kantona u mjesecu julu tekuće

Rast industrijske proizvodnje

1. proizvodnja hrane i pića	103,3
2. pr. namještaja, prerađivačka industrija	142,7
3. proizvodnja metala	143,8
4. prerar. drveta i proizvodnja proizv. od drveta	127,9
5. pr. motornih voz., prikolica i poluprikolica	105,4
6. pr. električnih mašina i aparata	138,1
7. pr. ostalih nemetalnih mineralnih proizvoda	107,0
8. proizvodnja mašina i uređaja	100,0
9. pr. kancelarijskih mašina i računara	131,2
10. prerada kože, galanterije i obuće	114,8

Pad industrijske proizvodnje

1. prerada kože, galanterije i obuće	72,4
2. izdavačka i štamparska djelatnost	73,3
3. proizvodnja tekstila	16,2
4. proizv. proizvoda od metala osim mašina	93,0
5. pr. medic. preciz. optič. instrum. i satova	65,9
7. pr. proizvoda od gume i plastike	93,2
8. reciklaža	92,4
9. proizvodnja odjeće, dorada i bojenje krzna	10,7
10. pr. celuloze, papira i proizvoda od papira	75,7

Od 20 grana prerađivačke industrije Kantona Sarajevo, u periodu januar-avgust 2005. godine pola ih je ostvarilo pozitivnu dinamiku rasta, a druga polovina je zabilježila pad proizvodnje u odnosu na isti period 2004. Tako je najintenziviji rast ostvarila proizvodnja metala (indeks 143,8), proizvodnja električnih mašina aparata (indeks 138,1), proizvodnja kancelarijskih mašina i računara (indeks 131,2) kao i proizvodnja drveta i proizvoda od drveta (indeks 127,9). Najviši pad proizvodnje zabilježen je u proizvodnji tekstila (indeks 30,9), kao i u proizvodnji medicinskih, preciznih optičkih instrumenta (indeks 64,3)

godine isplaćena je **prosječna neto plaća u iznosu od 572,19 KM što je za 16,1% manje od isplaćene prosječne neto plaće u Kantonu Sarajevo (681,60KM).**

U odnosu na prethodni mjesec tekuće godine, ostvareni prosjek neto plaće u prerađivačkoj industriji niži je za 2,1%, dok je za isti procenat viši od isplaćenog prosjeka plaće u prerađivačkoj industriji za 2004.

Inflacija industrijskih proizvoda mjerena indeksom cijena na malo u avgustu ove u odnosu na cijene na malo u avgustu prethodne godine iznosi 3,1%, gdje rast industrijskih prehrambenih proizvoda iznosi 1,9% a industrijskih neprehrambenih proizvoda 2,5%. Prema ovim pokazateljima inflacija industrijskih proizvoda u Kantonu niža je za 1,2 indeksna poena od ukupnih inflatornih kretanja u Kantonu Sarajevo.

Mjereno u razdoblju I – VIII 2005. u odnosu na isti period 2004. god. **cijene svih industrijskih proizvoda veće su za 2,4 %.**

A.Ćerimagić

Savjet

Telekomunikacije i informacione tehnologije

Na sjednicu Savjeta za telekomunikacije i informacione tehnologije Privredne komore Kantona Sarajevo pored članova Savjeta pozvani su i svi članovi Komore iz ove branše. Razmatrana je problematika vezana za Kodeks poslovne etike Komore, IKT firme i PDV, sprovođenje Strategije i Akcionog plana IS BiH (izvjestioci; Zlatan Šabić-UNDP i Sead Adanalić-BH Telecom) kao i finansijsko stanje Komore.

U živoj trosatnoj diskusiji prisutni su se složili da je Kodeks poslovne etike članova Komore jedan obavezujući kodeks poslovnog ponašanja i doprinos izgradnji međusobnog povjerenja u zajedničkim i pojedinačnim nastupima članova na tržištu.

S obzirom na nejasnoće na temu o PDV-u po konkretnim primjerima iz ove djelatnosti insistiralo se na dodatnim objašnjenjima nadležnih institucija.

Prezentirane su dosadašnje aktivnosti po Projektu informatizacije bh. društva. Istaknut je problem implementacije Projekta i sporost u osnivanju Agencije za njegovu implementaciju. U sklopu Akcionog plana ovog Projekta prezentiran je idejni Projekat Telecom klastera koji ima za cilj razvoj servisa iz oblasti IKT-a na području Kantona Sarajevo, tj. podsticanje inovativnosti i razvoja firmi iz ove branše kroz razvoj servisa uz korištenje Telecom infrastrukture.

Zaključci:

- Objavljivanje Crne liste firmi koje ne prate Kodeks poslovne etike članova PKKS
- Dostaviti pitanja Komori u vezi nejasnoća i tumačenja na temu PDV-a koje Komora treba objediniti i uputiti Direkciji za indirektno oprezivanje uz zahtjev za pisani odgovor.
- Komora treba da organizuje okrugli sto za firme iz IKT-a sa predstvanicima Direkcije za indirektno oporezivanje na temu PDV-a u IKT branši.
- Privrednici smatraju da su aktivnosti Agencije za implementaciju Projekta informatizacije bh. društva planiranje, koordinacija i razvoj, a ne operativne aktivnosti.
- Potrebno je jako uvezivanje IKT firmi, Univerziteta i Komore kod procesa informatizacije bh. društva i projekta Telecom klastera.
- Komora treba da uputi dopis CRA po pitanju pritužbi IKT firmi na visinu cijene između domaćih operatera, s obzirom da to poskupljuje usluge samih IKT firmi.
- Inicirano je organizovanje sastanka sa Direkcijom za Evropske integracije po pitanju lobiranja projekata EU za BiH iz oblasti IKT industrije.

R.Mandić

U toku novi pilot projekat

Nužnost razvijanja svijesti o medijaciji kao pogodnom načinu rješavanja sporova

Privredna komora Kantona Sarajevo, Međunarodna finansijska korporacija (IFC) i Udruženje medijatora u BiH organizirali su 19. oktobra 2005. godine prezentaciju na temu «Medijacija u Bosni i Hercegovini – prednosti za mala i srednja preduzeća».

Uvodnu riječ na prezentaciji dala je Munevera Pahor, sekretar Komore, a zatim su predstavnici Udruženja medijatora BiH, IFC-a i Općinskog suda govorili o medijaciji i njenim prednostima. Po završetku zvaničnog dijela prezentacije vođen je razgovor kroz pitanja, odgovore i sugestije prisutnih.

Koristimo i ovu priliku da istaknemo da smo u više navrata upoznavali naše članstvo o alternativnom rješavanju privrednih sporova kao jednom od važnih koraka zadovoljavanja potreba poslovne zajednice u BiH, nastojeći razvijati svijest o medijaciji kao pogodnom načinu za rješavanje privrednih sporova. U toku ove godine Udruženje medijatora u BiH je u saradnji sa Privrednom komorom Kantona Sarajevo održalo četiri treninga «Obuka za medijatore» sa 90 polaznika iz preduzeća i institucija u BiH.

Podsjećamo da je u januaru 2003. godine Međunarodna finansijska korporacija u saradnji sa Udruženjem medijatora u BiH pokrenula projekat uvođenja medijacije u Bosnu i Hercegovinu. U junu



2004. godine donesen je Zakon o postupku medijacije, a 2005. godine donešen je Zakon o prijenosu poslova medijacije na Udruženje medijatora BiH.

Dosadašnja iskustva o primjeni medijacije u BiH su ohrabrujuća, a što se pokazalo kroz dvije pilot inicijative koje su pokrenute u Banja Luci i Sarajevu. Postupak medijacije uspješno je okončan u 195 sporova, i oslobođena su sredstva u iznosu od 13 miliona KM.

Nadamo se da će preduzeća iskoristiti prednosti medijacije i u skorijoj budućnosti primjenom medijacije postizati veću efikasnost u radu, uz smanjenje troškova poslovanja, uštedu dragocjenog vremena, ne čekajući godinama na ishod sudskog postupka.

M.Kadrić

Crna Gora

Stvaranje konkurentne regije

Predstavnici Komore na poziv organizatora prisustvovali Međunarodnoj konferenciji na temu: “Ekonomске slobode i budućnost regije”

Predstavnici Privredne komore KS kao gosti prisustvovali su Međunarodnoj konferenciji na temu: “Ekonomске slobode i budućnost Regije” koja je u organizaciji Agencije za promociju investicija Crne Gore održana u Podgorici od 17. do 19. oktobra.

Učesnici konferencije detaljnije su raspravljali o mogućnostima otklanjanja ekonomskih barijera koje postoje u zemljama Regije, a u cilju poboljšanja opšteg ekonomskog ambijenta za brži ekonomski razvoj.

U okviru prezentiranih tema na konferenciji je uzeo učešće potpredsjednik Komore Irfan Mehičić koji je govorio o ostvarivanju ekonomskih sloboda u Bosni i Hercegovini i njihov odraz na konkurentsku sposobnost Bosne i Hercegovine.

Jedan od zaključaka konferencije je da se pored realiziranja politika za unapređenje konkurentnosti pojedinih zemalja treba orijentirati na stvaranju konkurentne Regije, a to će se postići razvojem međusobne spoljnotrgovinske razmjene koja se sada pretežno obavlja sa zemljama van Regije.



I.Mehićić

AUSTRIA SHOWCASE MOSTAR

Tehnologije za zaštitu okoliša i alternativnih energija

Zbog iskazanog interesa većeg broja firmi iz Kantona Sarajevo iz oblasti zaštite okoliša i alternativnih energija pokrenuta inicijativu za organiziranje prezentacije

u Privrednoj komori Kantona Sarajevo

Austrijski ured za vanjsku trgovinu i saradnju sa Privrednom komorom Austrije organizirao je 18.10.200.godine u Mostaru prezentaciju austrijskih kompanija na temu: «Tehnologije za zaštitu okoliša i alternativnih energija».

Ciljevi prezentacije su da se zajednički definišu rješenja povodom zaštite okoliša na području Bosne i Hercegovine u oblasti upravljanja otpadom, vodoprivrede i alternativnih energija, da se uspostavi poslovna saradnja, te da se ujedine zajednički interesi austrijskih firmi i zainteresiranih firmi iz Bosne i Hercegovine.

Na prezentaciji su se predstavile austrijske firme sa svojim uslugama:



A.S.A. International Enviromental Service GMBH (koncepti tretmana čvrstog otpada)

A.S.A. je jedna od vodećih firmi za odvoz otpada u centralnoj i istočnoj Evropi. Sa više od 2350 radnika, dugogodišnjim iskustvom, sviješću za okoliš i modernim postrojenjima, ova firma nudi komunama i industriji rješenja za sve probleme vezane za otpad i time se svrstava u omiljene i pouzdane partnere u Austriji i u zemljama tranzicije.

A.S.A. upravlja 21-om modernom deponijom i različitim postrojenjima za preradu otpada (kao npr. mehaničko-biološka postrojenja za preradu, postrojenja za sitnjenje otpada, postrojenja za proizvodnju sekundarnih pogonskih goriva, itd.) na više od 60 mjesta u šest država, a koja ispunjavaju

sve evropske standarde zaštite okoliša. Vozni park preduzeća A.S.A. obuhvata 610 najmodernijih vozila za prikupljanje i transport svih vrsta otpada uključujući i tretman opasnog otpada.

Stoje na raspolaganju za: planiranje, izgradnju, finansiranje i vođenje centra za preradu otpada, prikupljanje i odvoz, transport, sortiranje i kompostiranje, deponiranje i iskorištavanje deponijskih gasova (Kyoto), sisteme za sortiranje, čišćenje ulica i zimska služba, tretman opasnog otpada i sanaciju starih deponija.

SFC Umwelttechnik GmbH (tretman pitke vode i otpadnih voda)

SFC Umwelttechnik GmbH je međunarodna firma za inženjering sa glavnim sjedištem u Salzburgu kao i prodajnom mrežom širom svijeta. Glavne aktivnosti firme obuhvataju planiranje i dostavljanje rješenja za tretman vode i otpadnih voda u velikim postrojenjima. SFCU nudi i kontejnerska postrojenja koja su opremljena sa C-Tech tehnologijom za prečišćavanje otpadne vode odnosno C-MEM tehnologijom za prečišćavanje otpadne vode za piće. C-TECH kontejnerska postrojenja za prečišćavanje posebno su pogodna za obradu otpadnih voda u naseljima, restoranima, hotelima, bolnicama, kao i u različitim oblastima industrije. C-MEM tehnologija se bazira na mikro/ultrafiltracionoj tehnici za membranske bioreaktante i postrojenja za tretman voda za piće.

CMB Maschinenbau & Handels GmbH (tretman medicinskog otpada)

Firma CMB Maschinenbau & Handels GmbH locirana je u Graz-u, Austria i firma Christof Group razvija inovirana rješenja odlaganja otpada za medicinski sektor još od 1995.godine. Ova rješenja uključuju dezinfekciju i sterilizaciju infektivnog otpada iz bolnica, zdravstvenih centara i velikih laboratorija, te skupljanje i transport ovakvog materijala. Glavni proizvod firme je patentirani SINITON dezinfektor koji je baziran na kombinaciji mikrotalasne i »saturated steam» tehnologije. Nude i kompletno rješenje za održavanje odlaganja infektivnog otpada.

Purator Wallner & Neubert GesmbH (tretman otpadnih voda)

Grupacija Purator centralna i istočna Evropa (CEE) predstavlja Purator i sva njena međunarodna predstavništva. Matični ured je u Budimpešti. Purator je prije 25 godina sa svojim proizvodima u oblasti tehnologije za zaštitu okoliša započeo obradu tržišta zemalja u okruženju. Danas postoje kćerke firme u Mađarskoj, Rumuniji, Poljskoj, Sloveniji, Slovačkoj, Češkoj, Crnoj Gori Bosni i Hercegovini i Hrvatskoj.

Paleta proizvoda obuhvata između ostalog oblasti uličnih odvoda, prečišćavanje otpadnih voda, sakupljanje otpadnih voda, vodosnadbijevanje, sistem odvoda u zgradama.

KUHN Baumaschinen GmbH (privreda gradnje, transport, skladištenje i logistika)

KUHN je firma-porodično vlasništvo koja je osnovana prije trideset godina. Danas KUHN ima preko pet stotina uposlenih i kćerke firme u devet evropskih zemalja, te je poznat kao pouzdan partner u području privredne gradnje, transporta, skladištenja i logistike.

Henkel Central Eastern Europe GmbH (tretman otpadnih voda)

Grupacija Henkel aktivna je na tri strateška polja: sredstva za pranje i čišćenje kuća i auta, kozmetika i njega tijela, ljepila, mase za dihtovanje, tehnologija za tretman površina.

DI KATALIN CSÉPAI –TB (tehnički biro za kulturu i vodoprivredu)

Firma Di Katalin Csépai – Technisches Büro für Kulturtechnik und Wasserwirtschaft osnovana je 2001. godine. Osnovna djelatnost obuhvata sljedeće oblasti: postrojenja za čišćenje otpadnih voda, odvodnjavanje pod pritiskom, pumpe kao i kanalizacije. Čišćenje postrojenja za odvod otpadnih voda/postrojenja za vodosnadbijevanje: vodovod, tretman vode za piće, sprovođenje generalnog planiranja, podnošenje zahtjeva u ustanovama, učestvovanje na pregovorima, detaljno planiranje, informiranje i izrada tenderske dokumentacije širom EU, učestvovanje na otvaranju ponuda, kao i izrada izvještaja o nadzoru te nadzor građevine.

* * * * *

Na poziv trgovinskog savjetnika austrijske ambasade u BiH prezentaciji austrijskih firmi u Mostaru prisustvovala je i Privredna komora Kantona Sarajevo sa svojim zainteresiranim članovima.



Nakon prezentacije vođeni su razgovori između predstavnika austrijskih firmi i domaćih firmi iz područja cijele BiH. Na naš poziv iz KS poslovne kontakte ostvarile su sljedeće firme: **UNIS-ENERGETIKA, MEGATTI, PAPIR-SERVIS, HIDROGRADNJA i ŽICA .**

Zbog iskazanog ineteresa većeg broja firmi iz Kantona Sarajevo iz oblasti zaštite okoliša i alternativnih energija, Komora je pokrenula inicijativu za organiziranjem ovakve prezentacije u Privrednoj komori Kantona Sarajevo.

Ovom prilikom pozivamo sve naše članove kao i druge poslovne subjekte ukoliko su zainteresirani sa organiziranjem ove prezentacije da se u što kraćem roku obrate Privrednoj komori Kantona Sarajevo. Firme koje su zainteresirane za uspostavljanje poslovnih kontakata sa austrijskim firmama trebaju navesti naziv austrijske firme i tematsku oblast koja ih interesuje kako bi mogli dogovoriti poslovni susret.

Za više informacija možete se obratiti kontakt osobi: Aiša Hajdar, predstavnik rukovodstva za kvalitet; tel/fax: 250-111/250-137, e-mail:aisah@pkasa.com.ba

A. Hajdar

“Bramac” dobitnik certifikata ISO 9001:2000

Firma Bramac krovni sistemi d.o.o. uspješno je provela certifikaciju u skladu sa zahtjevima međunarodnog standarda ISO 9001:2000.

Rukovodstvu i svim zaposlenima čestitamo!

Trgovina posluje s gubicima

Na poziv upućen poslovnim i privrednim subjektima trgovinske i ugostiteljsko-turističke djelatnosti u FBiH da prisustvuju XIV proširenoj sjednici članova strukovnih grupa trgovine, ugostiteljstva i turizma Privredne/Gospodarske komore FBiH odazvali su se i predstavnici Privredne komore Kantona Sarajevo. Učestvovalo je oko 30 predstavnika poslovnih subjekata, komora, kompanija, te Ureda za indirektno oporezivanje. Prisutni su učešće predstavnika Ureda za indirektno oporezivanje iskoristili da postave niz pitanja vezanih za PDV.

Na sjednici je bilo riječi o završnim računima u FBiH, registraciji obveznika PDV-a i primjeni Pravilnika o primjeni Zakona na dodanu vrijednost, te o Trgovačkoj knjizi.

Uočeno je da završni računi trgovine za 2004. godinu jasno pokazuju da trgovina treba pomoć države. Trgovina posluje s gubicima, a okruženje i zakonska regulativa je guše stalnim i nedorečenim izmjenama zakonskih propisa. Broj zaposlenih u ovoj grani je

značajan, a osobni dohoci u trgovini su najniži u FBiH. U prikazivanju ukupnih kretanja u Biltenima statistike u Federaciji nema trgovine.

Također je naglašen i niz neusklađenosti u Pravilniku o obliku, sadržaju i načinu vođenja trgovačkih knjiga (SNFBiH, br.26/05/). Početak primjene Pravilnika predviđen je za 1. novembar t.g., a PDV se uvodi 01.01.2006. Ovim Pravilnikom se izričito zahtjeva ručno vođenje trgovačke knjige. Prijedlog je da se Pravilnik ne primjenjuje do uvođenja PDV-a, te da se nađe rješenje za softver Trgovačke knjige u Ministarstvu trgovine i Financija u FBiH.

Naglašeno je također da bi obilježavanje turističkih destinacija trebalo biti ujednačeno na cijeloj teritoriji BiH.

Doneseni zaključci biće upućeni relevantnim institucijama s ciljem njihove realizacije.

D.Bošnjak

Institucionalno okruženje i strategija za razvoj

Mala i srednja preduzeća u funkciji razvoja

Početkom oktobra 2005. godine u Sarajevu je održan okrugli sto koji su organizirali Švicarski ured za saradnju u BiH i Njemačko društvo za tehničku saradnju - GTZ sa namjerom da svoja iskustva u razvoju srednjih, a posebno malih preduzeća (MIS) prezentiraju privrednicima Bosne i Hercegovine, sa osvrtom na ulogu komorskog sistema i strukovnih udruženja u njihovom razvoju i pomoći, sa jedne strane i ulozi države sa druge strane.

Iskustva Švicarske kao privrednog područja je interesantno za BiH iz razloga što je to zemlja sa kantonalnim uređenjem, dakle blisko uređenju Federacije BiH i regionalnom uređenju Republike Srpske, a iskustva Njemačke su zanimljiva jer počivaju na jednom organiziranom, strateškom razvoju malih i srednjih preduzeća kao okosnice razvoja razorene i uništene njemačke privrede poslije drugog svjetskog rata. U GTZ-u i Švicarskom uredu za saradnju sa BiH ocjenjeno je da su ta iskustva potrebna i korisna našim biznismenima ali i predstavnicima državne vlasti u kreiranju poslovnog ambijenta za biznis.

Predstavnici njemačkog Instituta za istraživanje iz Esena i švicarskog Instituta za mala i srednja preduzeća složili su se sa prisutnima da država ne treba previše da se miješa u razvoj i organizaciju

srednjih i malih preduzeća.

Najbolji način da firme krenu sa radom, otvaraju radna mjesta, povećavaju zaposlenost i ostvaruju profit jeste da se samoorganiziraju i interesno povezuju u okviru komorskog sistema kako je to po riječima predstavnika GTZ i oba Instituta riješeno u ovim zemljama.

20.000 malih i srednjih preduzeća, koliko ih je prema procjenama registrovano u BiH su prema riječima organizatora zavidan potencijal, čiji interesi i argumentovani zahtjevi, putem strukovnih udruženja i komorskog sistema dobijaju na snazi i mogućnosti da ih država ozbiljnije razmatra i riješi. To otvara prostore za njihov brži razvoj.

Svakako da je kako je istaknuto uloga države u razvoju malih i srednjih preduzeća od presudnog značaja. Ona svojim administrativnim mjerama otvara ili zatvara vrata MIS-ovima.

Predstavnici oba Instituta upoznali su prisutne da je na bazi ankete među biznismenima, administriranje, previše regulative i raznih "zabrana" kao i nametanje posrednika za "pomoć" privrednicima, na prvom mjestu ljestvice barijera za vođenje biznisa, čak ispred nedostatka finansijskih sredstava i visokih kamatnih stopa.

Domaći biznismeni su iznijeli svoja vlastita iskustva i zaključili da država sa ovakvom regulativom stvara zbrku i nesigurnost kod biznismena što sa druge strane, najviše ide na ruku bankama i mikrokreditnim organizacijama u BiH da i dalje održavaju visok nivo kamatnih stopa, znatno viših nego u zemljama okruženja (da se ne govori o Njemačkoj i Švicarskoj).

Zaključeno je da se razvoj malih i srednjih preduzeća u zemlji može odvijati u ambijentu kakav je bosanskohercegovački, samo formiranjem RAZVOJNE BANKE ili formiranjem kvalitetne Agencije za razvoj kakve imaju naši susjedi i čija se pozitivna iskustva mogu i trebaju iskoristiti.

A.Ćerimagić

Značajniji propisi doneseni u oktobru

BOSNA I HERCEGOVINA

- Zakon o usvajanju Zakona o izmjenama i dopunama Zakona o porezu na promet proizvoda i usluga ("Sl. glasnik BiH", broj 72/05)
- Zakon o usvajanju Zakona o izmjenama i dopunama Zakona o akcizama u Bosni i Hercegovini ("Sl. glasnik BiH", broj 72/05)
- Pravilnik o izmjenama i dopunama Pravilnika o registraciji obveznika poreza na dodatu vrijednost ("Sl. glasnik BiH", broj 67/05)
- Pravilnik o fitosanitarnim zahtjevima za drveni materijal za pakovanje u međunarodnom prometu ("Sl. glasnik BiH", broj 71/05)
- Odluka o izmjenama Odluke o zabrani uvoza određenih pošiljki radi sprječavanja unosa u Bosnu i Hercegovinu bolesti slinavke i šapa ("Sl. glasnik BiH", broj 68/05)
- Odluka o kriterijima za učešće banaka u Programu osiguranja depozita Agencije za osiguranje depozita Bosne i Hercegovine ("Sl. glasnik BiH", broj 71/05)
- Odluka o preuzimanju nadležnosti nad štampanjem i izdavanjem poreskih i kontrolnih markica ("Sl. glasnik BiH", broj 74/05)

FEDERACIJA BiH

- Pravilnik o izmjeni Pravilnika o registraciji i prijenosu vrijednosnih papira kod Registra vrijednosnih papira ("Sl. novine F BiH", broj 58/05)
- Pravilnik o izmjenama i dopunama Pravilnika o obliku, sadržaju i načinu vođenja trgovačke knjige ("Sl. novine F BiH", broj 60/05)
- Pravilnik o izmjenama i dopunama Pravilnika o uslovima minimalne tehničke opremljenosti poslovnih prostora za obavljanje trgovine ("Sl. novine F BiH", broj 60/05)
- Izmjene i dopune Pravilnika o utvrđivanju kvaliteta tehničkih naftnih goriva ("Sl. novine FBiH", broj 59/05)

Oglašavajte se u Glasniku !

	članovi	nečlanovi		
1/5 stranice	50	75		
1/4 stranice	70	100		
1/3 stranice	100	150		
1/2 stranice	150	220	+ 50% kolor	
1/1 stranice	200	300		+ 50% kolor

Cijena na koricama uvećava se za 20% prema gore specificiranim veličinama

Napomena: U cijenu nije uračunat porez na promet usluga u visini 10%
Za više informacija, obratite se na tel: 25 01 44 fax: 25 01 36,

e-mail: elvirab@pksa.com.ba

Novi rekord u broju seminara



Centar za edukaciju kadrova Privredne komore Kantona Sarajevo uspješno je realizovao **6 seminara** u oktobru 2005. godine. **Ovim brojem realiziranih seminara Komora je premašila rekord iz novembra 2004. godine po broju realiziranih seminara u jednom mjesecu !**

Tri seminara iz fiskalne oblasti na temu poreza na dodatu vrijednost: Komora realizuje set seminara na temu poreza na dodatu vrijednost u periodu juni-decembar 2005. godine. Ukupno će biti realizovano 10 seminara iz najvažnijih privrednih branši do kraja 2005. godine. Predavač na oba seminara bio je dr Mirsad Kikanović.

«Porez na dodatu vrijednost za firme iz oblasti metalne i elektro industrije» (12. oktobar)

«Porez na dodatu vrijednost» (24. oktobar, Goražde)

«Porez na dodatu vrijednost za firme iz oblasti drvne industrije i šumarstva (26. oktobar)

Na ovim seminarima bilo je prisutno više od 100 polaznika iz 56 preduzeća i drugih organizacija. Predavač dr Mirsad Kikanović je osim kratkog dijela teorije i prezentacije zakona zajedno sa polaznicima obradio niz primjera iz ovih branši. Na kraju oba seminara dao je odgovor na brojna pitanja koja su postavili polaznici seminara.



„Upravljanje vremenom” (13-14. oktobar)

Komora je pripremila ovaj zanimljiv seminar u cilju da se privrednici stručno usavrše da efikasnije mogu upravljati svojim vremenom u cilju ostvarivanja optimalnijih rezultata. Predavač na seminaru je bio Šemsudin Zaimović, certificirani praktičar i trener iz oblasti Neuro Lingvističkog Programiranja – (NLP). Seminaru je prisustvovalo 10 privrednika iz šest preduzeća i drugih organizacija.

„Odnosi sa javnošću i retorika” (20-21. oktobar)

Seminar su realizirali: Aida Feraget (predsjednik Public Relations udruženja u BiH), Edhem Ekmešić, direktor agencije „ENI marketing” iz Travnika i Mirela Španjol-Marković, ekspert za retoriku i javni nastup iz Zagreba. Seminaru je prisustvovalo 10 polaznika iz 6 preduzeća i drugih organizacija.

„Usavršavanje prodaje” (26-27. oktobra)

Značajan seminar za marketinške odjele u preduzećima i drugim organizacijama koje se bave marketingom, prodajom roba i usluga održan je u saradnji sa Adizes institutom (Los Angeles) – Adizes Southeast Europe (Novi Sad). Seminar je održan u Neumu. Prisustvovalo je 16 polaznika iz nekoliko preduzeća.

Najava novih seminara

Centar planira (prema Programu edukacije 2005. i planu vanrednih seminara) realizirati sljedeće seminare u novembru i decembru 2005. godine

- «Korištenje naprednih Internet servisa» (predavač Rasmira Mandić, dipl. inž. el.)
24. novembar
- «Event Management» (predavač: Edhem Ekmešćić, partner ENI marketing, Travnik)
28. novembar
- «PDV za firme iz oblasti građevinarstva, projektovanja, IGM» (predavač: dr Mirsad Kikanović)
29. novembar
- «Principi uspješnog finansijskog menadžmenta» Partner «Global Development & Consulting Inc. (Edmond, Oklahoma, USA), Predavači univerzitetski profesori i uspješni američki biznismeni iz USA.
Termin realizacije: 5, 7. i 8. decembar
- «Politika konkurencije na unutrašnjem tržištu EU» (predavač: mr Senad Hromić)
13. decembar
- «PDV za firme iz oblasti ugostiteljstva i turizma» (predavač: dr Mirsad Kikanović)
15. decembar
- «Evropski model poslovne izvrsnosti» (predavač. mr Senad Hromić) 21. decembar
- «PDV za firme iz oblasti hemijske i farmaceutske industrije» (predavač: dr. Mirsad Kikanović)
27. decembar

Pozivamo privrednike da prisustvuju ovima seminarima. Detaljnije informacije možete dobiti na telefone Centra za edukaciju kadrova: 250-117, 250-116, 250-107 ili web strani Komore: www.pkسا.com.ba/Aktuelni_seminari

Europska akademija za osoblje komora zapadnog Balkana

Održan VI modul u Čatežu

U okviru projekta Europska akademija za osoblje komora zapadnog Balkana u periodu od 19. do 21. oktobra t. g. u mjestu Čatež u Sloveniji održan je šesti modul u sklopu predviđene obuke za osoblje komora zapadnog Balkana. Na seminaru su učestvovali predstavnici komora iz SCG, Makedonije i Bosne i Hercegovine.

Na početku seminara prisutne je pozdravio gospodin Tim Simmons, Ambasador Velike Britanije u Ljubljani te naglasio važnost ovog projekta čiji su ciljevi razvoj suradnje između komora zapadnog Balkana i prenošenje iskustava EU komora. Na seminaru se govorilo o upravljanju promjenama, razvoju misije te iskustvima i aktivnostima komore Slovenije kao i novim izazovima u komorskom poslovanju. Na kraju predavanja organiziran je i forum pod nazivom Komorski trendovi koji je vodio gospodin Wim Martens iz Eurokomore iz Brisela

U ovom modulu učesnici su imali priliku upoznati nove trendove i zahtjeve u poslovanju komora,

te naučiti kako i na koji način stalne promjene okrenuti u pozitivnom smjeru te kako se nositi s njima. Veoma je važno imati vlastiti cilj koji je mjerljiv i ostvariv u određenom vremenskom razdoblju, a proces promjena u društvu, poslovnoj zajednici i svim drugim aspektima je stalan i na njega se ne može mnogo utjecati.

D.Bošnjak



Održan Prvi sajam za zapošljavanje u BiH

Posao za 513 nezaposlenih u Sarajevu

Jednodnevna berza rada održana u Centru "Skenderija" uvjerljiv dokaz da je privredi potrebna kvalifikovana radna snaga i da su mladi spremni prihvatiti izazov



U sarajevskoj Skenderiji 27. oktobra 2005. godine održan je prvi sajam za zapošljavanje u Bosni i Hercegovini, a u organizaciji Agencije za rad i zapošljavanje BiH. Učesće na sajmu prihvatilo je 26 kompanija koje su nudile zaposlenje za 513 novih radnika. Nije izostao ni interes velikog broja nezaposlenih, među kojima su dominirali mladi ljudi, koji su tragom zaposlenja na postavljenim štandovima popunjavali aplikacije za posao i obavljali direktne razgovore sa poslodavcima. Firme - učesnice na sajmu su u najvećem broju i članovi Privredne komore Kantona Sarajevo.

Ovakav način povezivanja nezaposlenih i poslodavaca doprinosi kreiranju pozitivnog trenda u oblasti zapošljavanja.

Izvanredna cirkulacija ljudi na sajmu u samo jednom danu potvrda je jedne optimističnije verzije da je privredi potrebna kvalifikovana radna snaga i da su mladi spremni prihvatiti izazov.

E.B.



ZEPS 2005

U Zenici je od 4. do 9. oktobra održan 12. Generalni BH sajam ZEPS 2005. Učesnici sajma došli su čak iz 27 zemalja, a svoje proizvode i usluge prezentiralo je preko 600 kompanija. Zemlja partner ovogodišnjeg sajma bila je Srbija i Crna Gora, a sajamski prostor bio je znatno veći nego prošlogodišnji i iznosio je 22.300 kvadratnih metara.

ZEPS 2005 je mjesto najšire ponude roba i usluga stranih učesnika i centralno je mjesto na kojem se predstavljaju proizvodne, uslužne i izvozne mogućnosti bosanskohercegovačke privrede.

Sajam je osim klasičnog izlagačkog prostora nudio i niz pratećih manifestacija, kao što su prezentacije proizvoda, usluga, ali i besplatno savjetovanje iz pojedinih oblasti. Jedna od tema savjetovanja bila je i «PDV pred vratima – šta raditi?» koje je vodio direktor Uprave za indirektno oporezivanje Kemal Čaušević sa svojim suradnicima.

Organizatori ZEPS-a istakli su višegodišnje originalne nastupe izlagača Suvada Isakovića, direktora ITC-a, koji je za ovaj sajam izgradio potpuno originalno bosansko etno selo.



D.Bošnjak

Veterinarska stanica d.o.o. Sarajevo

Najrespektabilnija veterinarska organizacija u BiH



dr. Josip Krasni, direktor JKP Veterinarska stanica d.o.o. Sarajevo

Veterinarska stanica u Sarajevu prevashodno obavlja mjere na provođenju zdravstvene zaštite životinja, tj. na sprečavanju pojave i zbivanja naročito opasnih zaraznih bolesti zoonoza, tj bolesti zajedničkih za ljude i životinje. Provodi mjere na unapređenju stočarstva putem umjetnog osiguranja goveda i selekcije u govedarstvu, te liječenju i pružanju pomoći oboljelim i povrijeđenim životinjama. Drugi izuzetno važan segment je ispitivanje higijenske ispravnosti i kvaliteta životnih namirnica putem uglednog laboratorija, jedinog u državi koji posjeduje međunarodni ISO standard 17 025, kao garanciju kvaliteta i sljedivosti u kontroli namirnica. Laboratorij je opremljen najneophodnijom opremom za ispitivanje osnovnih parametara u životnim namirnicama, kao i štetnih materija u namirnicama koje se ne smiju pojavljivati, a sve u cilju obezbjeđenja zdrave hrane za građane Bosne i Hercegovine.

Još jedan veoma važan segment koji se obavlja u veterinarskoj stanici su poslovi dezinfekcije u cilju sprečavanja pojave određenih oboljenja i djelovanje u nekim vanrednim prilikama, kao što je to slučaj sada sa eventualnom pojavom ptičije gripe u Sarajevskom kantonu.

Formirana 1956. godine Veterinarska stanica Sarajevo je kvalitetno i bez većih propusta djelovala i tokom rata, kao i u poslijeratnom periodu. Na osnovu Odluke Skupštine KS od 07. oktobra 2005. godine mijenja naziv u Kantonalno javno preduzeće «Veterinarska stanica d.o.o. Sarajevo» i usaglašava Statut preduzeća sa Zakonom o javnim preduzećima Bosne i Hercegovine.

“O kvalitetu pružanja usluge najbolje mogu posvjedočiti vlasnici životinja na kojima se pružaju veterinarske usluge, jer imaju najrespektabilniju veterinarsku organizaciju u Bosni i Hercegovini”, kazao

nam je dr. Josip Krasni, direktor sarajevske Veterinarske stanice.

Radna organizacija ima 44 zaposlena radnika, od toga 30 doktora veterine i ostalog osoblja sa visokom stručnom spremom, a djelatnost obavlja na svih devet općina Kantona Sarajevo putem veterinarskih ambulanti.

Posebnu pažnju posvećuju stručnoj obuci zaposlenih putem edukacija kako u zemlji tako i u inozemstvu. Saraduju sa Fakultetom veterinarske medicine, Medicinskim fakultetom i Prirodno-matematičkim fakultetom iz Sarajeva, kao i sa mnogim zdravstvenim i veterinarskim organizacijama.

“Svakako da se može napraviti mnogo više, ali s obzirom da cijene veterinarskih usluga još uvijek ne mogu biti ekonomske i dalje je potrebna pomoć Kantona Sarajevo u sufinansiranju dijela tih usluga i pomoći u daljem radu veterinarske službe”, ističe dr. Krasni.

Od većine uništenih i u potpunosti devastiranih objekata u vlasništvu Veterinarske stanice mnogi su obnovljeni i nalaze se u pravoj funkciji. Izuzetak su neke stanice koje se koriste pod zakup, ali se u ovoj ustanovi nadaju da će u skorijoj budućnosti uz pomoć sa strane doći do izgradnje i novih objekata.

Ovih dana se u Veterinarskoj stanici Sarajevo ispituju životinje na oboljenja bruceloze i Q groznice, te praćenja epidemiološke situacije sa eventualnom pojavom ptičije gripe. Poduzete su sve potrebne mjere u cilju blagovremenog otkrivanja epidemije i dostavljanja uzoraka na ispitivanje.

“Što se tiče ptičije gripe trenutno je sve pod kontrolom i ne očekujemo neke bitnije poremaćaje. S obzirom na

moguće migracije ptica permanentno pratimo situaciju. Za ishranu ne postoje nikakva ograničenja jer je meso peradi upotrebljivo nakon termičke obrade, tj. nakon pečenja”, kazao je dr. Krasni.

E. Baždar



DOBIT VOLKSBANK BH 1,7 MILIONA KM

Volksbank BH d.d. od januara do septembra ostvarila je dobit od 1,7 miliona KM, a do kraja godine će ta dobit, kako se očekuje premašiti dva miliona KM.

Bilansna suma do kraja godine trebala bi iznositi oko 380 miliona KM, što će biti više za oko 25 miliona KM u odnosu na sumu od kraja septembra.

Volksbank BH d.d. planira u Sarajevu otvoriti i svoj centar za poslovanje s pravnim subjektima s ciljem da pospješi saradnju ne samo s pravnim subjektima iz Sarajeva, već cijele BiH.

BOSNALIJEK PLASIRAO NA TRŽIŠTE DVA NOVA PROIZVODA

Bosnalijek d.d. Sarajevo obogatio je svoj program lijekova pod sloganom "Čuvari vašega zdravlja" s dva nova proizvoda – tabletama Cvit i kapsulama Vitamin A&E. Cvit je na tržištu dostupan u obliku tablete za žvakanje, dok je vitamin A&E dostupan u farmaceutskom obliku kapsule. Novi proizvodi Bosnalijeka već se mogu nabaviti u svim apotekama.

VLADA FBiH UPUTILA JAVNI POZIV BH. KOMPANIJAMA ZA IZVOZ U LIBIJU

Vlada FBiH je na prijedlog Federalnog ministarstva energije, rudarstva i industrije usvojila tekst Javnog poziva u vezi sa realiziranjem obveza spram kredita od 12.602.583 dolara što ga je odobrila Libijska Džamahirija, a čiji je povrat preuzela Federacija BiH.

Javni poziv upućuje se svim zainteresiranim privrednim društvima s teritorija FBiH da prijave mogućnost izvoza roba i usluga na libijsko tržište. Radi otplate duga FBiH će osigurati garanciju odabrane poslovne banke.

Prijave s osnovnim pokazateljima o aplikantu, te sa specifikacijom roba i usluga bit će razmotrene s

libijskom stranom koja će nakon iskazivanja interesa za određene robe i usluge iz asortimana preduzeća iz FBiH pregovarati s odabranim partnerima.

KAP: OD 305 PRIVATIZIRANA, 274 PREDUZEĆA U SARAJEVSKOM KANTONU

Kantonalne agencije za privatizaciju (KAP) Sarajevo izjavljuju da je Kanton Sarajevo pri kraju privatizacije u smislu prodaja preduzeća. U registru za privatizaciju prema njihovim informacijama bilo je 305 preduzeća, od kojih je privatizovano 274, što znači da je ostalo 30-ak preduzeća od čega treba izdvojiti jedanaest preduzeća iz komunalnog sektora koja se u ovoj fazi neće privatizovati.

Što se tiče komercijalnog sektora ostalo je još 18 preduzeća za privatizaciju. U toku je privatizacija UPI Servis uslužne djelatnosti, Evrope, Famos holdinga i dva preduzeća Magrosa. Privatizacija Bristola i Neretve u fazi je donošenja odluke o metodu privatizacije na kantonalnoj vladi.

ORTOSAR DOBIO ZLATNU NAGRADU ZA KVALITET

Međunarodna izborna komisija B.I.D-a (Business Initiative Directions) dodijelila je firmi Ortosar nagradu za kvalitet njihovih proizvoda. Nagrada Zlatna zvijezda predstavnicima Ortosara dodijeljena je 10. oktobra u Ženevi.

OrtoSar je sarajevska firma specijalizirana za izradu svih vrsta ortopedskih pomagala.

VEGAFRUIT UGOVORIO IZVOZ U SCG U VRIJEDNOSTI OD 1,3 MILIONA KM

Preduzeće za preradu voća i povrća Vegafruit iz Velike Brijesnice koje je nedavno kupila grupacija MIMS iz Sarajeva, ugovorilo je s kupcima iz Beograda isporuku proizvoda u vrijednosti od 1,3 miliona KM.

Na tržište Hrvatske i Srbije Vegafruit

godišnje izveze oko 30 posto proizvoda, a 60 posto na tržišta SAD, Kanade, Australije, Britanije, Njemačke, Švedske, Libije i Malezije, dok samo deset posto bude prodano kupcima u BiH.

OKONČANI PREGOVORI SA EBRD O KREDITU ZA OBNOVU ŽELJEZNICA U BIH

U Londonu su uspješno okončani pregovori o zaključivanju Ugovora o zajmu (Regionalni projekt željeznica) između BiH i Evropske banke za obnovu i razvoj (EBRD), saopšteno je iz Vijeća ministra BiH.

Riječ je o kreditu od 70 miliona eura za BiH, od čega za Federaciju 42 miliona, o čemu su već usaglašeni finansijski i projektni ugovori.

Iz ovih sredstava u Federaciji će biti finansiran remont pruge i objekata na dionicama Konjic-Mostar i Mostar-Čapljina, obnova stanične i pružne signalizacije na prioritetnim dionicama i odabranim stanicama, obnova elektrovučnih podstanica i kontaktne mreže, telekomunikacijskih uređaja i drugog.

Projekt čiji je rok završetka 30. juni 2009. implementirat će Željeznice Federacije, u RS-u Željeznice RS-a, a koordinirajuću ulogu vršit će Bosanskohercegovačka željeznička javna korporacija (BHŽJK).

UNIS KOMERC SARAJEVO PROŠLU GODINU ZAVRŠIO SA 23.984 KM DOBITI

Dioničko društvo UNIS Komerc Sarajevo poslovnu je 2004. godinu završilo sa ostvarenom neto dobiti od 23.984 KM, dok je godinu ranije poslovalo s gubitkom od 116.446 KM, saznaje portal Bh biznis.

U PRVOM POLUGODIŠTU 2005. SLOVENIJA NAJVEĆI INVESTITOR U BIH

Prema najnovijim pokazateljima Gospodarske zbornice Slovenije kompanije iz ove zemlje od maja 1994. do septembra 2005. investirala su u BiH više

od 630 miliona KM. U prvom polugodištu ove godine Slovenija je po ulaganjima u BiH zauzela prvo mjesto među 85 zemalja koje direktno investiraju u BiH s ulaganjem od 68 miliona KM, dok je globalno gledano na četvrtom mjestu.

Slovenske investicije su 85 posto locirane u Federaciji BiH, a 15 posto u Republici Srpskoj.

Od januara do septembra ove godine Slovenija je u BiH izvezla robe u vrijednosti 786 miliona KM, a uvezla iz BiH u vrijednosti od oko 270 miliona KM, što je povećanje u odnosu na isti period 2004. za 177 posto.

PODRAVKA PROŠIRUJE PROIZVODNE AKTIVNOSTI U BiH

Cilj hrvatske kompanije Podravka na bh. tržištu nije samo prodaja već nastavak i proširenje proizvodnih djelatnosti, poručuju iz Podravke. Nakon hrvatskog tržišta BiH je najznačajnije tržište Podravke u jugoistočnoj Evropi.

Uprava Podravke razmatrala je mogućnost proizvodnje poljoprivrednih proizvoda - voća i povrća u dolini Neretve i spremna je da podrži tu proizvodnju i otkup, ali da realizacija same proizvodnje ovisi od spremnosti domaćih faktora da organiziraju taj projekt. Do Nove godine prema najavama Podravka bi zajedno s velikokladuškim Akgrokomercom trebala započeti proizvodnju novog proizvoda, nakon što je s tom tvornicom dogovorila distribuciju nekoliko njenih proizvoda putem svoje distributivne mreže.

LRC BIRO I EURO LEASING POTPISALI UGOVOR O KORIŠTENJU PODATAKA

LRC Kreditni biro i Euro Leasing potpisali su Ugovor o ustupanju prava za korištenje podataka. Euro Leasing koji je nedavno osnovan u sklopu osiguravajuće kuće Euroherc, odlučio se da u početku svog poslovanja počne koristiti mehanizme potrebne za potpuniju

procjenu klijenata i donošenje odluka u poslovanju sa što manjim rizikom.

Euro Leasing će imati mogućnost uvida u bazu od preko 4.000.000 informacija finansijske prirode o urednosti izmirivanja obaveza pravnih i fizičkih lica, ali i dodatne usluge i servise, kao što su monitoring - automatsko praćenje klijenata, kao i transakcijski računi pravnih lica BiH.

POLET SARAJEVO NAKRAJU 2004. GODINE OSTVARIO DOBIT OD 503.712 KM

Dioničko društvo Polet Sarajevo poslovnu je 2004. godinu završilo



sa ostvarenom neto dobiti nakon oporezivanja od 503.712 KM, Polet je tokom prošle godine ostvario ukupne prihode od 6.704.979 KM i rashode od 6.201.267 KM.

PLIN SARAJEVO SMANJUJE OSNOVNI KAPITAL ZA IZNOS OD 18 MILIONA KM

Nadzorni odbor dioničkog društva Plin Sarajevo nakon izvršene revizije i procjene sudskog vještaka o smanjenju građevinske vrijednosti objekata koji se više ne mogu koristiti, donio je odluku o smanjenju osnovnog kapitala za iznos od 18.095.392 KM.

ŽELJEZNICE I BH TELECOM ZAJEDNO U IZGRADNJI INFORMACIONOG KORIDORA

Vlada Federacije BiH, nakon što je razmatrala Informaciju

o pripremama za izgradnju informaciono-komunikacijske magistrale u Bosni i Hercegovini na postojećoj željezničkoj infrastrukturi, dala je saglasnost Željeznicama FBiH i Dioničkom društvu BH Telecom iz Sarajeva da s kompanijom Team System Infocom Services osnuju društvo za realizaciju projekta na postojećoj željezničkoj infrastrukturi.

Sporazum koji regulira zajedničku realizaciju projekta treba da ostane otvoren i za priključivanje HT-a Mostar i Telekoma RS-a. Federalno ministarstvo prometa i komunikacija će pratiti pripreme za realizaciju projekta i o tome redovno obavještavati Ministarstvo komunikacija i transporta BiH.

OPRESA SARAJEVO POSLOVNU 2004. GODINU ZAVRŠILA SA 84.000 KM DOBITI

Dioničko društvo za unutrašnju i vanjsku trgovinu Opresa Sarajevo poslovnu je 2004. godinu završilo sa ostvarenom neto dobiti od 84.000 KM, saznaje portal Bh biznis. Dobit Opresa je ustvari iznosila 120.000 KM, no nakon plaćenog poreza od 36.000 KM, neto dobit iznosila je 84.000 KM.

KOMPANIJA PING NA ZEPS-U PREZENTIRALA PROJEKAT PARIS

U sklopu Generalnog sajma ZEPS 2005. godine bh. informatička kompanija PING Sarajevo održala prezentaciju PARIS - Kako unaprijediti poslovanje kroz informacioni sistem, a cilj prezentacije je davanje odgovora na niz pitanja upotrebe informacionih tehnologija u uobičajenom poslovanju. Poslovno informaciono rješenje PARIS koji je kreirala kompanija PING, rješava probleme s kojima se privrednici svakodnevno susreću, te uveliko povećava efektivnost i efikasnost poslovanja.

Izvor: dnevna štampa i portal Bh biznis

BH pregovori sa EU

Prvi korak u integracijskom procesu Bosne i Hercegovine u EU trebao bi da se desi do kraja ove godine. Europska komisija preporučila je Vijeću Europe otvaranje pregovora sa BiH o Sporazumu o stabilizaciji i pridruživanju.

U procesu usklađivanja bh. zakonodavstva sa europskim do sada je **u BiH usvojeno 46 zakona**. Europska komisija doznala je oblasti na kojima će se raditi. Prema iskustvima susjeda koji su već prošli ili prolaze fazu pripreme za pregovore, predviđa se da će se formirati šest pregovaračkih timova, skladno određenim oblastima.

Konačna suglasnost od strane Europskog vijeća očekuje se 12. decembra, nakon čega bi pozicija BiH trebala biti mnogo jasnija.

Izvori prava EU

Pravna stečevina Zajednice tj. *acquis communautaire*, franc. (skraćeno *acquis*), skup je prava i obveza koji sve zemlje članice obvezuju i povezuju unutar Europske unije. *Acquis communautaire* obuhvaća: sadržaj, načela i političke ciljeve osnivačkih ugovora, zakonodavstvo usvojeno primjenom osnivačkih ugovora te presuda Suda Europske zajednice, deklaracije i rezolucije koje je Unija usvojila, mjere koje se odnose na zajedničku vanjsku i sigurnosnu politiku, mjere koje se odnose na pravosuđe i unutarnje poslove te međunarodne ugovore koje je sklopila Zajednica, kao i ugovore između zemalja članica u području djelovanja Unije.

Primarni izvori prava EU su osnivački ugovori

- Ugovor o Europskoj zajednici (UEZ)
- Ugovor o Europskoj zajednici za ugljen i čelik (UEZUČ)
- Ugovor o Europskoj zajednici za atomsku energiju (UEZAE)
- Ugovor o Europskoj uniji (UEU)

Svi ovi ugovori dostupni su na web stranicama, te se tako Ugovor o Europskoj zajednici i Ugovor o Europskoj uniji može naći na sljedećoj adresi: <http://www.europa.eu.int/eur-lex/en/treaties/>, a Ugovor o Europskoj zajednici za ugljen i čelik i Ugovor o Europskoj zajednici za atomsku energiju dostupni su na adresi <http://europa.eu.int/abc/obj/treaties/en/entoc.htm>.

Sekundarni izvori prava EU su akti koje donose institucije Europske unije u okviru tri stupa na kojima se EU temelji: triju Zajednica (Europske zajednice (EZ), Europske zajednice za ugljen i čelik (EZUČ) i Europske zajednice za atomsku energiju (EURATOM), Zajedničke vanjske i sigurnosne politike (ZVSP) te Suradnje u području pravosuđa i unutarnjih poslova (SPUP).

Akti koji se donose u okviru triju Zajednica

dijele se na obvezujuće (uredbe, smjernice, odluke) i neobvezujuće (preporuke, mišljenja).

U okviru Zajedničke vanjske i sigurnosne politike te Suradnje u području pravosuđa i unutarnjih poslova donose se akti drugog karaktera (okvirna odluka, odluka, zajedničko stajalište, zajedničko djelovanje, zajednička izjava, zajednička strategija, izjava, zaključak, konvencija) i njihove dopune.

Popis i tekst ovih odredaba i propisa Europske unije koji su na snazi dostupan je na adresi <http://www.europa.eu.int/>

Pod ostalim izvorima prava podrazumijevaju se presude Suda Europskih zajednica, opća načela prava EU kao i međunarodni ugovori koje je EU sklopila s drugim državama i međunarodnim organizacijama kao i međunarodni ugovori između država članica EU. Tekstovi presuda dostupni su na web stranici <http://curia.eu.int/en/reccdoc/indexaz/>

EU VIJESTI...



• U oktobru je u Ženevi održana Međunarodna konferencija o Bosni i Hercegovini. Učesnici su izrazili zadovoljstvo zbog spremnosti EU za pregovore o Sporazumu o stabilizaciji i pridruživanju, ali i naglasili da se BiH nalazi na prekretnici te da je sada pravi trenutak za izvršenje potrebnih obaveza.

Svi članovi hrvatskog pregovaračkog tima su predstavljeni javnosti što ima za cilj dobro upoznavanje javnosti sa tijekom pregovora. Predstavljeni su i voditelji radnih skupina za svako do 35 poglavlja za pregovaranje. U tim su uključeni stručnjaci sa najvećim pregovaračkim iskustvom. Većina ih je učestvovala u pregovorima sa EU o Sporazumu o stabilizaciji i pridruživanju, a neki od njih su zastupali Hrvatsku u pregovorima o ulasku u WTO.

• Tehnički pregovori o pridruživanju SCG u

Europsku zajednicu počinju 7. novembra, kada će se i praktično sjesti za pregovarački stol i otvoriti neka od pitanja. Vlada Srbije je od početka godine prihvatila 14 prijedloga zakona koji su bitni za ubrzanje integracije u EU (akcionim planom ih je bilo predviđeno 29). Najveći broj zakona koji trebaju da se donesu su u nadležnosti Ministarstva za kapitalne investicije Srbije, koje bi trebalo da pripremi zakone o prijevozu putnika u drumskom saobraćaju, prijevozu tereta u drumskom saobraćaju, unutrašnjoj plovidbi i zrakoplovstvu.

- Europska komisija je 20. oktobra počela proces uspoređivanja turskog i hrvatskog zakonodavstva, što je prvi korak u pripremi pregovora sa ove dvije zemlje.

WTO VIJESTI...

- Putovanja i zdravlje - najčešće postavljana pitanja i odgovore vezana za putovanja mogu se pronaći na stranici Svjetske trgovinske organizacije: http://www.wto.org/english/tratop_e/trips_e/public_health_faqs_e.htm

- Trgovina je osnovno sredstvo u borbi protiv siromaštva – izjavio je generalni direktor WTO-a

Pascal Lamy na UN konferenciji o trgovini i razvoju održanoj u Ženevi 6. oktobra t.g. Poruka konferencije je da samo razvoj međunarodne trgovina može omogućiti rast GDP-a i razvoj uopće.

- WTO komiteti su objavili

godišnje izvještaje za 2005. godinu. Izvještaji su podijeljeni po oblastima: za poljoprivredu, okolinu, pristup tržištu, pravilima o porijeklu, trgovini i drugim a dostupni su na web stranici: http://www.wto.org/english/tratop_e/

Pripremila: D. Bošnjak

Izvori: www.europa.eu.int, www.wto.org, www.dei.gov.ba, www.poslovniforum.hr



Europska konferencija

Dijalog i partnerstvo kao poluge razvoja BiH

U Sarajevu je 6. i 7. oktobra održana Europska konferencija pod nazivom „DIJALOG I PARTNERSTVO KAO POLUGE RAZVOJA BOSNE I HERCEGOVINE“

Konferencija se održavala pod pokroviteljstvom Confrontations Europe, FIPA, Ministarstva vanjskih poslova Francuske, Europske komisije, DEI i INTEREXA.

Cilj je bio uspostaviti dijalog između različitih struktura i nivoa poslovne zajednice BiH i Europske unije, te kroz isti prenijeti iskustva koja mogu biti veoma značajna za BiH na njenom putu ka Europi.

Rad konferencije je bio organiziran kroz tri okrugla stola. Prvi Okrugli sto vodio se pod temom Gdje je sada BiH na «putu pristupa». Učesnici su imali priliku govoriti o tome koje je napore zemlja već učinila i koje su prepreke na tom putu, šta treba uraditi da se odgovori na zahtjeve Europe, a posebno dokle je stigla izgradnja jedinstvenog bosanskog tržišta, borba protiv sive privrede i naponi ugradnje u regiju.

Drugi Stol vodio se pod temom Kako razviti suradnju i učestvovati u razvoju Bosne i Hercegovine. Može li ekonomski i socijalni razvoj biti put prevazilaženja političkih razlika, koji su uvjeti potrebni za re-industrijalizaciju BiH, šta su argumenti i potrebe bh privrede da bi privukla inostrana ulaganja, je li moguć

europski dijalog o projektima od zajedničkog interesa, samo su neka od pitanja potekla sa ove konferencije.

Posljednji ali i najinteresantniji stol je bio Kako financirati projekte. Govorilo se o tome da li međunarodne i europske fondove treba preusmjeriti na ekonomske i socijalne projekte, te koju ulogu mogu imati privatne banke, koje nove oblike investicija treba mobilirati i kako se može primijeniti javno-privatno partnerstvo.

U radu konferencije učestvovalo je oko 120 predstavnika poslovne zajednice Bosne i Hercegovine i Francuske, Hrvatske, Mađarske, ali i nekih drugih europskih zemalja. Semiha Borovac, gradonačelnica Sarajeva, Osman Topčagić, direktor Direkcije za europske integracije, Henry Zipper de Fabiani, ambasador Francuske u BiH, Claude Fischer, generalni sekretar Confrontations Europe, Faik Dizdarević, generalni sekretar Association Sarajevo, Srđan Dizdarević, predsjednik Helsinškog komiteta za ljudska prava, Slavica Korica, direktor FIPA-e i Peter Seideneck, iz europskog sindikalnog saveza, samo su neki od brojnih učesnika ovog dijaloga.

D.Bošnjak

Web adrese

Carine i propisi

Uprava za indirektno oporezivanje BiH

www.uino.gov.ba/b/carina/carina.htm

Ova stranica nudi informacije vezano za postupak carinjenja i zakonske odredbe koje se odnose na carinu. Također možete naći podatke o svrstavanju specifičnih roba prema carinskoj tarifi, kao i odredbe koje se odnose na putnike, odnosno fizičke osobe. Porezi - PDV, akcize, porez na promet Carine -zakonski propisi, podzakonski akti i tumačenja, oslobađanja, zabrane, garancije, pojednostavljene procedure, carinska tarifa i svrstavanje specifičnih roba.

Carinske uprave nekih od susjednih zemalja:

- **Austrija** www.bmf.gv.at
- **Bugarska** www.customs.government.bg
- **Hrvatska** www.carina.hr
- **Srbija** www.fcs.yu
- **Crna Gora** www.gom.cg.yu/carine
- **Češka** www.cs.mfcr.cz
- **Mađarska** www.vam.gov.hu/welcome.do
- **Italija** www.finanze.it
- **Slovenija** www.carina.gov.si
- **Makedonija** www.customs.gov.mk

**Međunarodne organizacije****Svjetska carinska organizacija (WCO)**

www.carinskatarifa.com

Na sajtu se nalaze konvencije, baza podataka dokumenata, harmonizirani sistem, preporuke i procedure WTO.

Baze podataka EU

Sadrži podatke o taksama i carinama u EU

http://europa.eu.int/comm/taxation_customs

APEC Customs Procedures

Baza podataka carinskih procedura azijsko pacifičkih zemalja

<http://sccp.org>

Carinska asocijacija zemalja Oceanije – OCO

www.ocosec.org

Pripremila: R. Mandić

Projekt LO.DE

Projekt pod nazivom LOCAL DEVELOPMENT – LO.DE. promoviran je u prostorijama Privredne Komore Italije u Sarajevu, a cilj mu je pružanje pomoći talijanskim kompanijama i zainteresiranim investitorima da dođu na bh. tržište. Projekt se sastoji u formiranju nove web stranice na kojoj se mogu naći sve informacije o ekonomskom sektoru BiH, važećim zakonima i propisima, te niz korisnih podataka za talijanske poduzetnike. Stranica je za sada urađena na talijanskom jeziku a web adresa glasi: www.lodeproject.org.

Projekt su prezentirali Gian A. Bellati, direktor Unioncamere Veneto i Eurosportello Veneto, Marina Vicini iz Talijansko-bosanske Komore, Francesca Trossi – SIDI Eurosportello-Privredna komora Ravena, Giorgio Ruta, Talijanski institut u BiH te Valentina Bezzi – LO.DE Projekt- lokalni ured u Sarajevu.

D.B.

